



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 22.10.2018

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s: Martina Hänzi, Engadin Booking, Scuol

tractandas	tema	responsabel
131	8400 Turissem Ledscha davart las taxas da giasts e las taxas turisticas (ledscha turistica) Cullas disposiziuns executivas a la ledscha	tuots
132	0120 Executiva Acconsentimaint protocol	tuots
133	0210 Administraziun cumünala Persunal cumünal Fixaziun da las pajas pella direcziun	vp
134	0220 Uffizi da fabrica Dum. da fabrica no. 044/2018, renovaziuns, sanaziuns, s-chodamaint cun fouras geotermicas, implant solar sül tet da la stalla, Augustin Ottiglia, parcella no. 6340, Plaz 1-33, 7559 Tschlin	vp/ap
135	0220 Uffizi da fabrica Dum. da fabrica no. 043/2018, pompa da chalur cun sondas geotermicas, Camozzi Erna, parcella no. 6198, Chaflur 1-133, 7558 Strada	vp/ap
136	0220 Uffizi da fabrica Dum. da fabrica no. 042/2018, edificzi per s-chalizzas, Engiadinalaina SA, parcella no. 6584, Plan da la Punt 1-244B, 7560 Martina	vp/ap
137	0220 Uffizi da fabrica Dum. da fabrica no. 032/2016, chasa d'üna famiglia cun garascha, pompa da chalur cun fouras geotermicas, Walser Andri, parcella 486, Plajet, 7556 Ramosch Mürs da sustegn	
138	2100 Scoula Proget strategia scoula da Valsot e lös da scoula Ramosch e Strada Palperi da lavur davart dal cussagl da scoula e da las mainascoulas	vp/mf
139	2100 Scoula Ascensur pella sala polivalenta a Tschlin	vp/ap

- | | | |
|-----|--|-------|
| 140 | 8400 Turissem
Turissems Valsot (general)
Preventiv 2019 / adattamaint dal mandat cull'Engadin Booking | vp/mf |
| 141 | 3290 Cultura
Festa Naziunala
Invid davart la cità da Gossau / festa Naziunala 2019 / decisiun a regard proceder | vp/mf |
| 142 | 0120 Executiva
Orientaziuns | tuots |
| 143 | 0120 Executiva
Varia (suprastanza cumünala) | tuots |

8400 Turissem

- 131 **Ledscha davart las taxas da giasts e las taxas turisticas (ledscha turistica)**
Cullas disposiziuns executivas a la ledscha

Martina Hänzi dal Engadin Booking, Scuol es eir preschainta e spordscha introductivmaing üna preschantaziun sur da la ledscha sco eir sur da las disposiziuns executivas a la ledscha, las qualas ha lura la suprastanza da relaschar. Culla preschantaziun survain la suprastanza üna buna survista sco eir repostas sün sias dumondas. La ledscha as basa sün quella dal cumün da Scuol, il qual vaiva introdüt la sia süls 1. schner 2018. Nos cumün as vaiva là eir partecipà al proceder d'introducziun. In seguit repassa la suprastanza detagliadamaing la ledscha e la discussiun davainta viva e vasta. Ella va daperüna cun quella. Fond alchüns adattamaints e müdamaints decid'ella da suottametter la ledscha a la radunanza cumünala chi varà lö in gövgia, als 15 da november 2018. Subit vegn uossa la ledscha suottamissa a l'uffizi chantunal respunsabel per l'examinaziun preliminar, quai sco basa da conferma a man da la radunanza.

0120 Executiva

- 132 **Acconsentimaint protocol**

Il protocol da la sezzüda dals 3 october 2018 vegn approvà.

0210 Administraziun cumünala

- 133 **Persunal cumünal**
Fixaziun da las pajas pella direcziun

Il chanzlist ed il manader tecnic piglian recusaziun. A chaschun da sia sezzüda dals 8 october 2018 vaiva la direcziun decis sur da d'augmains da la paja pel persunal cumünal. La fixaziun da las pajas da la direcziun sta in cumpetenz da la suprastanza. Ella va daperüna culla proposta e sancziunescha l'adattamaint chi aintra in vigur sül 2019.

0220 Uffizi da fabrica

- 134 **Dum. da fabrica no. 044/2018, renovaziuns, sanaziuns, s-chodamaint cun fouras geotermicas, implant solar sül tet da la stalla, Augustin Ottiglia, parcella no. 6340, Plaz 1-33, 7559 Tschlin**

La dumonda es statta publichada ed i nu sun entradas ingünas protestas. La lucarna vers südvest vegn a star plü gronda co l'existentia. Illa fatschada vers südvest sun previssas 2 fanestras novas. Plünavant sun previssas 4 fouras geotermicas (165 m). Ils permiss davart l'uffizi da pulizia da fö, da l'uffizi per la natüra ed ambiaint sco eir la cumprouva d'energia sun avantman. La fatschenda es in uorden. Süll'ala dal tet dal tablà vers süd esa previs da montar ün implant solar. La suprastanza decida d'aderir a la dumonda e da conceder il permiss da fabrica.

0220 Uffizi da fabrica

- 135 **Dum. da fabrica no. 043/2018, pumpa da chalur cun sondas geotermicas, Camozzi Erna, parcella no. 6198, Chaflur 1-133, 7558 Strada**

La dumonda es statta publichada ed i nu sun entradas ingünas protestas. Previs es üna foura geotermica (200 m). La distanza davent da la via maistra sto esser min. 5 m. La fatschenda es in uorden. La suprastanza decida da conceder il permiss bsögnaivel.

0220 Uffizi da fabrica

- 136 **Dum. da fabrica no. 042/2018, edificzi per s-chalizzas, Engiadinalaina SA, parcella no. 6584, Plan da la Punt 1-244B, 7560 Martina**

La dumonda es statta publichada ed i nu sun entradas ingünas protestas. I manca amo il permiss davart da l'uffizi da pulizia da fö. La suprastanza decida da conceder il permiss da fabrica. Quel dess però pür gnir protramiss cur cha'l permiss mancant es avantman.

0220 Uffizi da fabrica

- 137 **Dum. da fabrica no. 032/2016, chasa d'una famiglia cun garascha, pompa da chalur cun fouras geotermicas, Walser Andri, parcella 486, Plajet, 7556 Ramosch**
Mürs da sustegn

Il petent prevezza da construir ün ulteriur mür da crappa vers süd sco eir da müdar il proget dal mür previs vers la via cumünala cun lasura üna saiv da duos lattas cun pösts da fier. Il vaschin da la vart ost da la parcella sco eir quel da la vart süd han suottascriet il plan cul müdamaint da proget previs.

La suprastanza va daperüna cul previs e condea il permiss. Ella metta però cundiziun, cha las lavuors han da gnir effectuadas suot l'accompagnamaint d'ün indschegner, il qual conferma lura cha'ls mürs sajan gnüts realisats in uorden e seguond prescripziuns.

2100 Scoula

- 138 **Proget strategia scoula da Valsot e lös da scoula Ramosch e Strada**
Palperi da lavur davart dal cussagl da scoula e da las mainascoulas

Üna grupp da lavur (Flurin Nef, Walter Ehrensperger e Gianna Rauch) han surdat ün palperi da lavur a regard la strategia da la scoula Valsot e lös da scoula.

La suprastanza consultescha quel, il qual es fich vast e cumpiglia numerus aspets. I nun es pussibel da decider subit in che direcziun resp. chenüns pass chi sun da far in fatschenda. Davart da la grupp vegn intimà a la suprastanza, sco prüm pass, da resguardar üna tscherta somma per ün ev. prestüdi cun cumposiziun da cuosts i'l preventiv 2019.

La discussiun demuossa, chi sun da trar divers aspets in consideraziun e da sclerir numerusas dumondas, dimena:

- Davart da LA REGION s'occupa üna grupp da lavur sur dal svilup ed eir sur d'una soluziun pel s-chalin ot in tuot nosa regiun. Favurisà vegn il model da cooperaziun.
- I sto eir gnir sclerida la dumonda, schi fa insomma sen da mantgnair classas da 2 – 4 scholars. Es là la scolaziun per nos uffants amo sufficianta?
- Schi's cristallisescha üna soluziun regiunala as sto savair in chenüns lös cha la scolaziun ha lura amo lö. Es la chasa da scoula a Strada lura eir ün da quels? In oter cas nu fess quai ingün sen da realisar là ün proget e concept da localitats.
- In cas d'una concentraziun da nossas scoulas a Strada esa da sclerir la dumonda che chi succeda lura culla chasa da scoula a Ramosch. Füssa da mantgnair quella be plü per üna pitschna part da scolaziun o gniss quella vöda?
- Ant co inchaminar vi d'ün stüdi o concept sto la suprastanza cugnuoscher resp. definar lura plü detagliadamaing che spazi da localitats chi bsögna propcha, cun quants scholars chi's po quintar là e.o.p

La suprastanza riva a la conclusiun cha la fatschenda nun es amo madüra e chi nun es neir na amo pussibel da surdar l'incumbenza per ün stüdi da concept. Uschè desist'ella da resguardar üna somma i'l preventiv dal 2019.

2100 Scoula

- 139 **Ascensur pella sala polivalenta a Tschlin**

In connex culla planisaziun cumünala esa previs da realisar ün access da la zona d'abitar previssa giò pro l'entrada da la sala polivalenta. Quella soluziun düra però amo plüs ons. La suprastanza vaiva decis d'examinar variantas pussiblas pell'installaziun d'ün ascensur. Il manader tecnic s'ha occupà d'offertas in fatschenda. I sun avantman duos ofertas, üna pella somma da ca. frs. 31'000.00 e l'otra pella somma da ca. frs. 25'000.00.

La discussiun demuossa, chi bsögna quell'investiziun e cha tala fa sen a bön da personas impedidas. La suprastanza decida d'integrar la somma da frs. 40'000.00 i'l preventiv pro 2019.

8400 Turissem
140 **Turissem Valsot (general)**
Preventiv 2019 / adattamaint dal mandat cull'Engadin Booking

L'aboccamaint da la direcziun culla manadra da gestiun da l'Engadin-Booking, Martina Hänzi, ha demuossà davo ün on experienza, cha l'ingaschamaint es surpassà per var 550 uras il pensum seguond il contrat da mandat, frs. 35'000.00. Per accumplir las incumbenzas bsögna quai d'ün augmoint dal pensum resp. lura da la somma.

La suprastanza discuta la fatschenda e riva a la conclusiun chi ston sco prüm gnir sclerits plüs puncts:

- Chenünas incumbenzas cumpiglia il contrat da mandat?
- Chenünas incumbenzas po evader la cumischiun da BUN TSCHLIN resp. eir la cumischiun da turissem.
- Ün'incumbenza d'eira eir da restructurar las duos cumischiuns e da fuormar be üna landroura. Per quel proceder segna il suprastant dal dicasteri, Armon Kirchen, responsabel.
- I sto gnir definà cler, chenüna part per progets chi crouda i'l mandat e chenüna lura chi po gnir inchargiada al proget stess.
- A regard la realisaziun da progets manca la definaziun da la cumpetenza. La suprastanza stuvesch gnir infuormada lasupra per pudair lura deliberar quels.

Davo cha'ls puncts sun sclerits esa lura pussibel da trattar supra ün ev. augmoint dal pensum resp. da la somma da mandat.

Sco prüm inoltescha uossa la responsabla, M. Hänzi, il preventiv dal sector turissem pro 2019.

3290 Cultura
141 **Festa Naziunala**
Invid davart la cità da Gossau / festa Naziunala 2019 / decisiun a regard proceder

Davart da la cità da Gossau ha sar Patrik Strässle, manader da la chanzlia da cità, infuormà, cha sia persuna saja la persuna uffiziala da contact in connex culla festa dals prüms avuost resp. dals 31 lügl 2019. El po a qualunque temp gnir consultà cun dumondas pertoccant l'organisaziun e.o.p.

La suprastanza decida da fuormar üna cumischiun responsabla pell'organisaziun. Quella as cumpuona dals commembers da la suprastanza, Ursina Caviezel, Armon Mayer ed Armon Kirchen. Il secretariat surpiglia il chanzlist, Marco Fallet cun sustegn eir da la giarsuna, Hannah Mayer.

La cumischiun ha uossa da's contactar culs responsabels da las diversas societats.

0120 Executiva
142 **Orientaziuns**

Tribunal administrativ

Fadri Riatsch infuormescha, cha sül sector da fabrica, haja dat üna decisiun a favur dal cumün, quai pertoccant ün plont in connex cun üna dumonda da fabrica a regard üna chamonna a Chant Dadaint.


Tribunal federal

Il capo, Victor Peer, infuormescha sur da la decisiun, la quala es crodada davart dal tribunal federal a favur dal cumün in connex culla cumprita da la parcella our da la massa da concuors d'ün'impraisa a Quadra da Punt.

0120 Executiva
143 **Varia (suprastanza cumünala)**

Da la tractanda varia nu vegn fat **CUMÜN DA VALSOT**

7556 Ramosch, 01.11.2018



Il capo:

[Handwritten signature of Victor Peer]

Il manader administraziun:

[Handwritten signature of the administrative manager]